



# MISA CON NENOS

## 8 de abril de 2018

### Domingo de Pascua-2º B



Evanxeo de **Xoán 20,19-31**: **“Tomé viu e creu; Meu Señor e meu Deus”.**  
**Mensaxe: CRISTO VIVE: Encóntrao o domingo na COMUNIDADE**

## 1. ACOLLIDA

Irmáns e irmás:

Hoxe, celebramos o domingo 2º de Pascua, chamado tamén da Misericordia Divina. Reunímonos a comunidade dos cristiáns como facían xa os Apóstolos. Tamén hoxe Xesús vivo e Resucitado faise presente entre nós, no medio da comunidade, dándonos a súa paz e o seu Espírito, para que prosigamos a súa misión. Celebremos, pois, con gozo esta eucaristía e deixemos que Cristo fortaleza a nosa fe.

*(Levamos un cartel co rótulo “Cristo VIVE, o domingo atópase coa comunidade”. Pódese facer a aspersión como purificación dos nosos pecados e recordo do bautismo).*

## 2. PETICIÓNS DE PERDÓN ou ASPERSIÓN

*A paz é un don da Resurrección de Xesús, pero os nosos intereses raquíticos con frecuencia non a deixan crecer. Pidamos perdón:*

- + Cando nos imos pechando nos nosos pequenos grupos, sen deixar que ninguén cuestione o noso actuar. **Señor, ten piedade de nós.**
- + Cando dicimos amar a Deus pero esquecesenos querer os que viven ao noso lado. **Cristo, ten piedade de nós.**
- + Cando facemos da Resurrección de Xesús só unha idea difícil de comprender, en lugar de amor e de vida. **Señor, ten piedade de nós.**

## 3. MONICIÓN ÁS LECTURAS

Durante o tempo de Pascua escoitamos na primeira lectura fragmentos do libro dos Feitos dos Apóstolos. É o testemuño da primeira comunidade cristiá. Fixémonos hoxe cal era o estilo de vida daquela primeira comunidade. Tamén a primeira carta de san Xoán recórdanos como temos que vivir os que nacemos de novo pola nosa fe en Cristo resucitado. No evanxeo descubrimos a Xesús facéndose presente naquela comunidade reunida, levándolle a paz, o perdón e o seu Espírito; é na comunidade onde o incrédulo Tomé recupera a fe e confesa “Meu Señor e meu Deus”.

## 4. PETICIÓNS

Unidos, sentíndonos resucitados con Xesús, elevemos a nosa oración respondendo como Tomé:  
**- Meu Señor e meu Deus.**

1. Aumenta a fe na Igrexa, para que sexa exemplo de comunión e solidariedade, casa de acollida e misericordia. **Oremos.**
2. Aumenta a nosa fe na resurrección do Señor, para que sintamos a súa presenza entre nós. **Oremos.**
3. Aumenta a nosa fe para que nos reunamos en comunidade cada domingo. **Oremos.**
4. Aumenta a nosa fe en Xesucristo para que sexamos as súas testemuñas. **Oremos.**
5. Aumenta a nosa fe en Xesucristo para que descubramos a súa presenza nos irmáns. **Oremos.**
6. Aumenta a nosa fe para que vivamos unidos na fe e no amor. **Oremos.**
7. Aumenta a nosa fe para que o Resucitado nos encha da súa paz e alegría. **Oremos.**
8. Aumenta a nosa fe para que nas dificultades atopemos na comunidade dos crentes un testemuño atractivo e iluminador. **Oremos.**

*Escoita, Señor, a nosa oración. Por XNS.*

## 5. OFRENDAS

**-UNHAS PIÑAS OU NÓS DE REDE:** Con estas piñas simbolizamos á nosa comunidade que se reúne todos os domingos a carón de Cristo resucitado. Aquí formámonos, celebramos a nosa fe, compartimos a nosa vida vivindo a fraternidade e a solidariedade con todos.

**-FRASE “Se non o vexo non o creo” e unha vela acesa:** É na comunidade onde san Tomé se reencontrou con Xesús e recuperou a fe. Que apoiándonos uns nos outros e co testemuño de todos nos axudemos uns a outros a crer máis e mellor.

**-PAN E O VIÑO.** Co pan e o viño damos grazas a Deus porque cada domingo se presenta entre nós e se fai Corpo e Sangue na consagración e nós confesamos agradecidos como Tomé: “Meu Señor e meu Deus”.



## 6. VIDEOS 2º DE PASCUA-B

-2º de Pascua B <https://www.youtube.com/watch?v=M4z0QsXINtE#t=35> ()

-Tomé 2º Pascua b : <http://www.quierover.org/portal/>

-Xoán 20, 19-31, película: <https://www.youtube.com/watch?v=E48Kpc0NiaE>

-Xoán 20,19-31. Aparicións de Xesús aos discípulos: <https://www.youtube.com/watch?v=UldTVCJnGA8&t=8s>

-Tomé, ver para crer: <https://www.youtube.com/watch?v=ULPctMcDmfw&t=17s>


-Non podes crer sen ver, Tomé?: <https://www.youtube.com/watch?v=P8NAO5pdhLA>

-Xoán 20,19-31 Tomé: <https://www.youtube.com/watch?v=pTUK6kwci6c>

-Tomé, reflexión: [https://www.youtube.com/watch?time\\_continue=1&v=q\\_WBiC7Wwyk](https://www.youtube.com/watch?time_continue=1&v=q_WBiC7Wwyk)

-Vídeo da resurrección de Cristo: <https://www.youtube.com/watch?v=xLOxt98OSFk>

-Canción da Resurrección – Valivan: [https://www.youtube.com/watch?v=\\_d02Eg8ELjE](https://www.youtube.com/watch?v=_d02Eg8ELjE)



*“Meu Señor e meu Deus”*